



Trg pravde 10, 76100 Brčko distrikt Bosne i Hercegovine; web: jt-brckodistriktbih.pravosudje.ba; tel: 049/217-227; faks: 049/219-088; e-pošta: jtb@jtb.ba
Трг правде 10, 76100 Брчко дистрикт Босне и Херцеговине; web: jt-brckodistriktbih.pravosudje.ba; тел: 049/217-227; факс: 049/219-088; е-пошта: jtb@jtb.ba

Broj: T18 0 KT 0016117 22
Brčko, 04.07.2022. godine

Na osnovu člana 35. stav 2. tačka ž) i člana 226. stav 1. Zakona o krivičnom postupku Brčko distrikta BiH, podižem

OPTUŽNICU

Protiv:

I. J. [...]

Što je:

Dana 19.03.2022. godine, oko 07,40 sati, u mjestu Brka, Brčko distrikt Bosne i Hercegovine, na Malezijskom putu u neposrednoj blizini objekta d.o.o. „Obala“, upravljajući putničkim motornim vozilom marke „Volkswagen“, registarskih oznaka ... u kojem se kao suvozač nalazila njena majka J. J. krećući se iz naselja Bukvik prema Brčkom, suprotno članu 36 stav (1) i članu 57 stav (1) Zakona o osnovama bezbjednosti saobraćaja na putevima u Bosni i Hercegovini, svjesna da radnju preticanja smije započeti samo ako se prethodno uvjerila da to može učiniti bez opasnosti za druge učesnike u saobraćaju ili imovinu, te svjesna da preticanje smije obaviti samo ako time ne ometa normalno kretanje vozila koja dolaze iz suprotnog smjera i ako na putu ima dovoljno prostora za bezbjedno izvođenje tih radnji, olako držeći da do saobraćajne nesreće neće doći, započela radnju preticanja i ušla u lijevu kolovoznu traku, iako se prethodno nije uvjerila da to može učiniti bez opasnosti po ostale učesnike u saobraćaju i ostvarila kontakt svojim prednjim desnim dijelom vozila sa prednjim desnim dijelom putničkog motornog vozilom marke „Volkswagen“, registarskih oznaka ..., koje se kretalo iz pravca Brčkog prema Bukviku, a kojim je upravljao A. K, kojom prilikom je J. J. zadobila tešku tjelesnu povredu u vidu luksacionog preloma glave desne butne kosti i njenog ležišta u zglobu kuka i avulzioni prelom desne koljene čašice sa minimalnim pomakom ulomaka,

dakle, kao učesnik u saobraćaju na putevima, nije se pridržavala saobraćajnih propisa i time je iz nehata ugrozila javni saobraćaj da je dovela u opasnost život ljudi, zbog čega je kod drugog nastupila teška tjelesna povreda,

čime je počinila krivično djelo –Ugrožavanje javnog saobraćaja– iz člana 326. stav (3) u vezi sa stavom (1) Krivičnog zakona Brčko distrikta Bosne i Hercegovine

[...]

Preduzimanje radnji krivičnog gonjenja prema određenom licu ne znači da je to lice zaista i odgovorno za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica.
